

Incumbensa Horrer concernent in'offensiva solara per il Grischun

Il cumbat cunter la midada dal clima è ina da las sfidas las pli grondas da la politica dals proxims onns. Cun l'Accord da Paris davart il clima èn ils stadis sutsegnaders s'obligads da limitar la stgaudada dal clima ad 1,5°C. En la cumparegliaziun interchantunala tutga il Grischun cun il «Green Deal» tar ils chantuns da pionier. Quai è allegraivel. Il «Green Deal» cumbinescha numnadain la protecziun dal clima cun la creaziun da novas plazzas da lavur.

Per la protecziun dal clima è necessaria ina midada en il sector da l'energia. Per consequenza crescha la dumonda d'electricitad producida sin basa d'energias regenerablas. Er en quest sector ha il chantun Grischun fatg in pass enavant cun la strategia concernent la forza idraulica. El vul che la valorisaziun da la forza idraulica netta resultia en l'avegnir en il Grischun. Per quest intent ha il Cussegl grond deliberà la strategia concernent la forza idraulica ed acceptà la strategia da la Regenza grischuna concernent la scadenza da las concessiuns.

En vista a l'augment da la dumonda d'energia netta poi vegnir constatà ch'il Grischun ha in grond potenzial betg mo areguard la forza idraulica, mabain er areguard l'energia solara. Da quest potenzial vegni profità actualmain bler memia pauc. Sco exempels pon vegnir numnads ils gronds stabiliments d'infrastructura u ils edifizis publics. Sche quest potenzial vegn tratg a niz meglier svelt, po il Grischun profitar dal fatg che la dumonda d'electricitad crescha e crear novas plazzas da lavur en ina branscha prospectiva. Quai reussescha en spezial, sch'il Grischun daventa il center da cumpetenza en il sector solar e po uschia far frunt activamain a la mancanza da persunas spezializadas, ch'è in factur limitant en quest sector, ed adressar dumondas en connex cun l'accumulaziun d'energia.

Questa schanza duess il chantun Grischun nizzegiar e lantschar in'offensiva solara che corresponda a la strategia concernent la forza idraulica. La finala gidan la forza idraulica e l'energia solara ad obtegnair la suveranità en la politica d'energia e reduceschan la dependenza dal Grischun da l'import d'energias fossilas. La situaziun actuala en l'Ucraina ans ha mussà en moda tragica, che la politica d'energia cuntogna er in aspect da la politica da segirezza.

En vista a quests fatgs incumbenseschan las sutsegnadras ed ils sutsegnaders la Regenza grischuna d'elavurar ina strategia per in'offensiva solara en il Grischun, quai en coerenza cun la strategia concernent la forza idraulica. L'offensiva solara cuntogna mesiras concretas inclusiv in urari ed in plan da finanziaziun sco er l'adattaziun necessaria da las basas legalas.

Cuira, ils 21 d'avrigl 2022

Horrer, Maissen, Kasper, Atanes, Baselgia-Brunner, Berther, Berweger, Bettinaglio, Brunold, Buchli-Mannhart, Cahenzli-Philipp (Vaz Sut), Caluori, Cantieni, Caviezel (Cuira), Censi, Danuser, Degiacomi, Della Vedova, Deplazes (Rabius), Dürler, Epp, Fasani, Felix, Föhn, Gartmann-Albin, Gort, Gugelmann, Hardegger, Hartmann-Conrad, Hofmann, Holzinger-Loretz, Kienz, Kunfermann, Lamprecht, Loepfe, Märchy-Caduff, Michael (Donat), Mittner, Müller (Favugn), Niggli-Mathis (Grüsch), Noi-Togni, Perl, Pfäffli, Preisig, Rettich, Ruckstuhl, Rüegg, Rutishauser, Schmid, Tanner, Thür-Suter, Tomaschett-Berther (Trun), Ulber, Valär, von Ballmoos, Waidacher, Wellig, Widmer (Favugn), Widmer-Spreiter (Cuira), Wieland, Wilhelm, Zanetti (Landquart), Bürgi-Büchel, Costa, Gujan-Dönier, Tomaschett (Cuira), van Kleef